

Iluarsiissut

Isumaliutissiissut 12. november 2025-meersoq taarserpaa
(Aaqqissuussaannikkut iluarsiinerit)

2026-imut aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerneqarneranut

ILASSUTITUT ISUMALIUTISSIISSUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik
ilaasortarai:

Inatsisartunut ilaasortaq Erik Jensen, Siumut, siulittaasoq

Inatsisartunut ilaasortaq Pele Broberg, Naleraq, siulittaasup tullia

Inatsisartunut ilaasortaq Mariane Paviasen Jensen, Inuit Ataqatigiit

Inatsisartunut ilaasortaq Margrethe Thaarup Andersen, Demokraatit

Inatsisartunut ilaasortaq Jørgen Rosbach, Demokraatit

Ulloq 27. oktober 2025-mi aappassaaneerinninnerup kingorna ataatsimiititaliap siunnersuut
misissorpaa.

Imarisai:

1. Aallaqqaasiut	3
1.1 Siunnersuutip aappassaaneerneqarnera	3
2. Pingajussaaneerinninnissamut allannguutissatut siunnersuutit	6
2.1 Allannguutissatut siunnersuutit ataatsimut sunniutaat	6
3. Aningaasaqarnermut Akileraartarnermullu Ataatsimiititaliap oqaaseqaatai sammisanut agguataarlugit	7
3.1 Pingajussaaneerinninnissamut aningaasaliissutitut allannguutissatut siunnersuutit.....	7
3.1.1. Sammisag 4: Missingersuutitut sunniuteqanngitsumik allannguutit	7
3.1.2. Sammisag 5: Isertitassatut missingiutit	8
3.1.3. Sammisag 6: Teknikikkut allannguutit.....	9
3.1.4 Sammisag 7: Aningaasartuutaanerusut.....	10
3.1.5 Sammisag 8: Aningaasanut inatsimmut isumaqatigiissut	10
3.1.6. Sammisag 9: Kommunitut ataatsimoortumik tapiissutit.....	11
3.2 Oqaasertaliussanut allannguutissatut siunnersuutit	11
4. Aningaasaqarnermut Akileraartarnermullu Ataatsimiititaliap inassuteqaatai	13

Ilanngussanut takussutissiaq:

- E Siunnersuutip pingajussaaneerneqarnissanut Naalakkersuisut aningaasaliissutitut allannguutissatut siunnersuutaat 11. november 2025-meersut. (Allannguutissatut siunnersuutit nr. 113-156).
- F Siunnersuutip pingajussaaneerneqarnissanut Naalakkersuisut oqaasertaliussanut allannguutissatut siunnersuutaat 11. november 2025-meersut. (Allannguutissatut siunnersuutit nr. 157-166).
- G 2026-mut aningaasanut inatsisissatut siunnersuut pillugu isumaqatigiissut.

1. Aallaqqaasiut

Aningaasanut inatsisissatut siunnersuut 27. oktober aappassaaneerneqarnermi kingorna pingajussaaneerinninnissaq sioqqullugu Aningaasaqarnermut Akileraartarnermullu Ataatsimiititaliamut suliarineqartussanngorlugu innersuuteqqinneqarpoq. Naalakkersuisut allannguutissatut siunnersuutaat 54-it ulloq 11. november 2025-mi ataatsimiititaliamit tiguneqarput.

1.1 Siunnersuutip aappassaaneerneqarnera

Siunnersuutip aappassaaneerneqarnissaanut Naalakkersuisut allannguutissatut siunnersuutini 112-inik saqqummiussipput. Taakkunannga 102-t aningaasaliissutitut allannguutissatut siunnersuutaapput 10-llu oqaasertaliussanut allannguutissatut siunnersuutaallutik. Allannguutissatut siunnersuutit tamarmiusut amerlanerussuteqartut aalajangiinerisigut Inatsisartunit akuerineqarput.

Inernerisassatut missingersuutigineqartut:

Ataatsimut isigalugu aappassaaneerinninnissamut allannguutissatut siunnersuutit 2026-mut IS-ip inernerata 8,3 mio. kr.-it missaannik ajorseriarneranik nassataqassapput.

Aappassaaneerinninnissamut allannguutissatut siunnersuutit kisiisa eqqarsaatigigaanni IS-ip inernerata 2026-mi 30,1 mio. kr.-inik amigartooruteqarfiuneranik kinguneqassapput. Piffissamut aningaasanut inatsiseqarfiusumut tamarmut 2026-2029-mut IS-ip inernerata tamarmiusup 0,6 mio. kr.-inik sinneqartoorfiunissaa missingersuutigineqarpoq.

Ukiunili sisamani inernerusussat tamarmiusut suli sinneqartoorfiulaartussaapput aningaasanulli inatsisissatut siunnersuut missingersuutit naatsorsuutillu pillugit inatsimmi piumasaqaatinik suli naammassinnippoq. Ataatsimiititaliamilli oqaatigineqartariaqarpoq aappassaaneerinninnermi inernerineqartup kingunerisaanik atorineqarsinnaasut sinneruttut killilerujussuummata.

Nunatta karsiata aningaasaatai tigoriaannaat:

Nunatta karsiata aningaasaatai tigoriaannaat 1. maj 2024-mi 1,3 mia. kr.-ioriarlutik 2024-p naanerani 695 mio. kr.-inngorsimasut aningaasanut inatsisissatut siunnersuummut nassuiaatini allasimavoq. Kiisalu nunatta karsiata aningaasaatai tigoriaannaat 2025-p naanerani 345 mio. kr.-iunissat Naalakkersuisunit naatsorsuutigineqarpoq. Aningaasat tigoriaannaat taama ikileriarnerat aningaasartuutit annertunerusumik nikeriarnissaannut matussutigissallugit naammangitsut Naalakkersuisunit isigineqarpoq. Aningaasat tigoriaannaat taama inissisimaneranni taartissanik sipaarutissanik nassaaqqaarnani aningaasartuutit qaffariarteqqinneqarnissaasa tunuarsimaarfigineqartariaqarneranik Naalakkersuisut isumaqarnerat ataatsimiititaliamit isumaqatigineqarpoq.

Aningaasartuutit qaffaatigisinnaasaannut killiliussat:

Pisortat aningaasaqarnerata oqimaatigiiffiunissaanik inatsisitigut pisussaaffiup eqquutsinneqartussaanerata aningaasaqarnikkut inissisimaneq (angusanut aningaasanullu tigoriaannarnut tunngatippiarlugu) massakkorpiaq imaannaanngitsumillu pisariunerulersikkaa ataatsimiititaliap siunnersuutip aappassaaneerneqarnissaanut isumaliutissiissummini oqaatigaa.

Ilanngullugulu oqaatigineqassaaq aningaasanut inatsimmi aningaasartuutit qaffaatigisinnaasaannut killiliussat inatsisikkut aalajangersarneqarsimammata. Aningaasartuutit ukiumut annerpaamik 1 procentimik aamma ukiut sisamat ingerlaneranni annerpaamik 2 procentimik qaffariaateqarsinnaanerannik inatsisitigut killiussineq aningaasartuutit qaffariaqqissinnaanerannut killiliivoq. Taamaattumillu aningaasartuutissanik nutaanik siunnersuuteqassagaanni missingersuutit inernerisa oqimaaqatigiinnissaannik inatsimmi piomasaaqat naammassiniarlugu pineqartut amerlaqataannik sipaaruteqarnissamik siunnersuuteqarnissaaq pisariaqassaaq.

Nunatta karsiata isertaasa ikiliartornerat, nunatta karsiata aningaasaataasa tigoriaannaat anner-tuumik ikileriarnert aammalu ilaatigut utoqqaliner-mi soraarnerussutisianut aningaasartuutit malunnaatilimmik qaffakkiartornerat aningaasartuutit qaffaatissaannut inatsisitigut killiliussanut aammalu inernerisassatut missingersuutigineqartunut tunngatillugu annertuumik unammilligassa-qartitsipput.

Ulloq 16. september 2025 danskit Naalakkersuisuisa Naalakkersuisullu akornanni sinaakkutitut isumaqatigiissut atsiorneqarpoq. Danmarkip Kalaallillu Nunaata akornanni sinaakkutitut isuma-qatigiissutip piviusunngortinneqarneranut atatillugu oqaasertaliussap nutaap ilanngunneqarnissaa aningaasanut inatsisissatut siunnersuutip aappassaaneerneqarnerani akuersissutigineqarpoq. Sinaakkutitut isumaqatigiissummi ilaatigut allassimavoq Tunumi Ittoqqortoormiini nunap immik-koortuani mittarfimmik nutaamik sanaartornissamut kiisalu Kujataani Qaqortumi immami itisuumi umiarsualivimmik sanaartornissamut aningaasaliissutissat tamakkiisut Danmarkimit tapiissutigineqassasut.

Sinaakkutitut isumaqatigiissut qanorpiaq piviusunngortinneqassanersoq kingusinnerusuk-kut isumaqatigiinniutigisassanngortinneqarpoq. Taamaattumillu sinaakkutitut isumaqatigiissut Naalak-kersuisunit tigussaasumik qanoq piviusunngortinniarneqarnersoq ataatsimiititaliamit qilanaar-neqarpoq. Ukiumi aningaasanut inatsiseqarfiusumi nunatta karsiata aningaasartuutai isertitaalu tamarmiusut aningaasanut inatsisissatut siunnersuutip imarissavai. Tamatuma saniatigut siu-moortumik akuersissuteqartoqarsimatinnagu aningaasartuuteqartoqaranilu isertitaqartoqarsinnaan-gilaq. Ataatsimiititaliap maannangaaq paasinninnera malillugu sinaakkutitut isumaqatigiis-summit aningaasat atugassanngortinneqartussat annertussusiat eqqarsaatigalugu aningaasanut inatsimmi aningaasartuutissat qaffariarsinnaanerannut inatsisitigut killiliussaaq aningaasanut inatsisip atorsinnaassuseqarneranut killiliisinnaavoq.

Tassunga atatillugu ataatsimiititaliamit eqqumaffigeqquneqassaaq missingersuutit oqimaaqa-tigiinnissaannik missingersuusiornermut inatsimmi aalajangersakkat siusinnerusuk-kut immik-koortumut UKA 2018/192-imut atatillugu atorunnaarallartinneqarnikum-mata. Atorunnaarsitsi-gallar-neq piffissamut 1. januar 2019-imit 31. december 2021-mut atuutsinneqarpoq, taamaattorli piffissaaq atorunnaarallarsitsiviusoq Naalakkersuisunit nalunaarutikkut sivikillineqarsinnaalluni. Tassunga atatillugu malittarisassat allanngortinneqarnissaannik pisariaqartitsisoqarnerata paasi-narsisinneqarnissaa siunertaralugu qulaajaaneq aallartisarneqarsimasoq Naalakkersuisut paasissu-tissiissutigaat. Kiisalu Naalakkersuisunit paasissutissiissutigineqarpoq malittarisassanik allanngu-

inermi qulakkeerneqassasoq allannguinerit taakku Namminersorlutik Oqartussat aningaasat ileqqaagaasa sanaartugassanut nutaanut anginerusunullu naapertuuttumik aningaasaliissutitut atorneqarsinnaanerannik naapertuuttumik aalajangiinissanut akimmisaarutaannginnissaat.

Missingersuutit inissisimanerannut tunngatillugu anguniakkat ilaat tassaavoq piffissap ingerlanerani isertitanit amerlanerusunit aningaasartuuteqartoqannginnissaa. Tunumi Ittoqqortoormiini nunap immikkoortuani mittarfimmik nutaamik sanaartornissamut kiisalu Qaqortumi immami itisuumi umiarsualivimmik sanaartornissamut aningaasaliissutissat tamakkiisut Danmarkimit tapiissutigineqarnissaat Naalakkersuisunit paasissutissiissutigineqarmat ataatsimiititaliamit naatsorsuutigineqarpoq suliniutit taakku nunatta karsianut, taamaalillunilu missingersuutit inissisimanerannut, ilanngaattissat ilanngaatigereerlugit sunniuteqassanngitsut. Taamatuttaaq annerpaamik qaffariaataasinnaasutut inatsimmi aalajangersakkanut tunngatillugu suliniutinut taakkununnga aningaasartuutit ilanngaattissat ilanngaatigereerlugit sunniuteqarnissaat ataatsimiititaliamit ilimagineqanngilaq.

Tamatuma saniatigut mittarfiliortiterneq naalagaaffiup ingerlatseqatigiiffimmut mittarfinnik nutaanik sanaartorlunilu ingerlatsisussamut tamakkiisuunngikkaluamik aningaasaliissuteqarneratigut toqqaannartumik aningaasalersorneqarnera ataatsimiititaliamit innersuussutigineqassaaq. Taamaaliornikkut mittarfiliortiternerit tamakkiisumik tassuunakkut aningaasalerneqarnerisa qulakkeerneqarnerata saniatigut ingerlatseqatigiiffiup taarsigassarsisinnaanera periarfissinneqarpoq. Ataatsimiititaliap naliliinera malillugu sinaakkutitut isumaqatigiissutip piviusunngortinneqarnissaanut atatillugu ingerlateqatigiiffiit inuiaqatigiinnit pigineqartut annertuumik peqataatinneqarsinnaapput.

Piffissap akunnattumik ungasissullip eqqumaffigineqarnissaa

Siunissami aningaasanut inatsisissatut siunnersuutit isumaqatigiinniutigineqarnissaannut atatillugu ilanngullugu isiginiaqqissaagassaq tassaavoq piffissaq akunnattumik ungasissusilik aningaasaqarnerup pitsaasumik ungasissumullu isigisumik ineriartornissaata qulakkeerneqarnissaanut pisariaqartoq.

Naalakkersuisut 2029 tikillugu aningaasaqarnikkut politikiannut aammalu iluarsaaqqinnermik sulinerannut qitiusumik tunngavigineqartussaq Attassiinnarnissamut Ineriartortitsinissamullu pilersaarutip sulissutigineqarnissaanut ukiunut sisamanut najoqqutassiaq Naalakkersuisunit akuerineqarsimammat ataatsimiititaliamit maluginiarneqarpoq.

Inuiaqatigiit inuinnaallu aningaasaqarnerata, inuussutissarsiorerup suliffeqarnerullu, peqqinnissaqarfiup aammalu inuusuttunut ilinniartitaanikkullu suliassaqarfiup kiisalu inuiaqatigiinni sanngiinnerusunut unammilligassat iluini ajornartorsiutit annertuut piaartumik iliuuseqarfigineqartariaqarmata Attassiinnarnissamut Ineriartortitsinissamullu Pilersaarut II annertooq sapinngisamik piaartumik aallartisarneqarsinnaassasoq ataatsimiititaliamit neriuutigineqarpoq.

2. Pingajussaaneerinninnissamut allannguutissatut siunnersuutit

2.1 Allannguutissatut siunnersuutit ataatsimut sunniutaat

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinit isumaqatigiinniarnert tunngavigalugit Naalakkersuisut pingajussaaneerinninnissamut allannguutissatut siunnersuutit 54-inik ulloq 11. november 2025-mi saqqummiussipput. Taakkunannga 44-t aningaasaliissutitut allannguutissatut siunnersuutaapput, tak. ilanngussaq E, 10-llu oqaasertaliussanut allannguutissatut siunnersuutaallutik, tak. ilanngussaq F.

Naalakkersuisut allannguutissatut siunnersuutaat siunnersuutigineqartut akuerineqassappata siunnersuummik aappassaaneerinninnerup pingajussaaneerinninnerullu kingorna AIS2026-mi inernerit takussutissiami matuma kinguliani takutinneqarput.

Aningaasat mio. kr.-inngorlugit	2026	2027	2028	2029	2026-2029
AIS2026-mi IST-p inernerani	11,8	52,2	-14,4	-99,6	-50,0
AIS2026-mi IS-ip inernerani	21,8	62,2	-4,4	-89,6	-10,0
Aappassaaneerinnissamut allannguutissatut siunnersuutit IST-mut sunniutaat	8,3	0,3	0,3	0,3	9,4
Pingajussaaneerinnissamut allannguutissatut siunnersuutit IS-imut sunniutaat	20,4	-58,0	-15,6	-6,4	-59,6
Pingajussaaneerinnermi IST-p inernerani	40,5	-5,5	-29,7	-105,7	-100,4
Pingajussaaneerinnermi IS-ip inernerani	50,5	4,5	-19,7	-95,7	-60,4

Allannguutissatut siunnersuutit saqqummiunneqarnermittut akuerineqassappata, aappassaaneerinninnissamut pingajussaaneerinninnissamullu allannguutissatut siunnersuutit malillugit AIS2026-mi IS-ip inernerani amigartoorutit 50,5 mio. kr.-iussasut takussutissiami siulianiittumi takuneqarsinnaavoq. Piffissami 2026-2029-mi tamarmi IS-imi sinneqartoorutit tamarmiusut 60,4 mio. kr.-ussapput.

IS-imi inernerit ukiut ingerlanerini annertusitinniarlugit iliuuseqartoqarsimanera ataatsimiittitalia mit pitsaasutut isigineqarpoq. Tamanna Aningaasaqarnermut Siunnersuisoqatigiit 2025-mi ukiup affaata aappaani nalunaarusiaminni eqqarsaatersuutigisaannut naapertuulluarpoq:

”Inerermut angusassamik, soorlu ukiuni aningaasanut inatsisiliorfiusuni IS-p inernerani sinneqartoorutissatut missingiummik, atulersitsineq piffissani ingerlalluarfiusuni patajaallisaanermut sillimmatissanillu sanarfinermut peqataaqataasinnaasimassagaluarpoq, taamaallilunilu aningaasaqarnermut politikimi ineriartornermik aalaakkaanerusumik pilersitseqataalluni.”

3. Aningaasaqarnermut Akileraartarnermullu Ataatsimiititaliap oqaaseqaatai sammisanut agguataarlugit

3.1 Pingajussaaneerinninnissamut aningaasaliissutitut allannguutissatut siunnersuutit

Naalakkersuisut aningaasaliissutitut allannguutissatut siunnersuutaat sammisanut 7-inut agguataagaapput.

Pingajussaaneerinninnissamut aningaasaliissutitut allannguutissatut siunnersuutit sammisanut ukununnga immikkoortinneqarsimapput:

- Sammisag 4: Missingersuutitut sunniuteqanngitsumik allannguutit
- Sammisag 5: Isertitassatut missingiutit
- Sammisag 6: Teknikikkut allannguutit
- Sammisag 7: Aningaasartuutaanerusut
- Sammisag 8: Aningaasanut inatsimmut isumaqatigiissut
- Sammisag 9: Kommunitut ataatsimoortumik tapiissutit

Sammisat ataasiakkaat imarisaat pingaarnerit matuma kinguliani naatsumik allaaserineqarput.

3.1.1. Sammisag 4: Missingersuutitut sunniuteqanngitsumik allannguutit

Qulequttami tassani allannguutissatut siunnersuutitut 15-inik Naalakkersuisut saqqummiussipput, taakku 113-imit 127-mut normoqarput. Allannguutissatut siunnersuutit taakku ukiumi aningaasanut inatsiseqarfiusumi 2026-mi ukiunilu missingersuusiorfiusuni IS-imut sunniuteqassanngillat.

Missingersuutitut sunniuteqanngitsumik nuussinerit arlallit tunuliaqutaralugit allannguutissatut siunnersuutitut saqqummiussisoqarpoq. Ingammik aningaasat kontomit pingaarnermit 40.01.01 Ilinniartitaanermut, Kulturimut, Timersornermut Ilageeqarnermullu Naalakkersuisoqarfimmit inuussutissarsiornermut atuarfinnut arlalinnut nuunneqarneri allannguutissatut siunnersuutitut pissutaapput. Ilinniartunik ilitersuinerup inuussutissarsiornermut iliniarfinnut nuunneqarnerata aammalu Attassiinnarnissamut Ineriartortitsinissamullu Pilersaarut 2-p atuutilersinneqarnerata kinguneranik tamanna pivoq.

Tamatuma saniatigut aqqissuussaanermik allannguinerup kinguneranik aningaasat 40.90.13-imit, Nuna tamakkerlugu ilitersuisarfimmut tunngasumit, kontomut pingaarnermut 30.14.01-imut, Ikorsiinasuarfimmik siunnersuisarfimmillu nuna tamakkerlugu saaffiginnittarfimmut tunngasumut, nuunneqarput.

Naggataagut aningaasanik nuussinermut sillimmatinit kontomut pingaarnermut 20.30.01-imut, Aningaasaqarnermut Sulisoqarnermullu Aqutsisoqarfimmut ASA-mut tunngasumut, ilassutitut aningaasaliissummik suliamut IA-1146-mut malitsitut ASA-p illuata imermik ajoquserneranik

iluarsaanermut tunngatillugu nuussisoqarpoq. Tamanna Naalakkersuisut taanna pillugu siusinnerusukkut aalajangernerannut naapertuuppoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 4-p ataani allannguutissatut siunnersuutit nr. 113-imit 127-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

3.1.2. Sammisag 5: Isertitassatut missingiutit

Qulequttami tassani allannguutissatut siunnersuutit 12-inik Naalakkersuisut saqqummiussipput, taakku 128-mit 139-mut normoqarput. Taakku IS-ip inerneranut ukiumi aningaasanut inatsiseqarfiusumi 2026-mi 10,3 mio. kr.-inik ajorseriaataassaaq aammalu 2027-imi 59,7 mio. kr.-inik, 2028-mi 72,2 mio. kr.-inik kiisalu 2029-mi 62,2 mio. kr.-inik pitsanngoriaataassapput.

Akileraarutit akitsuutillu ilaannut nutaamik missingiinerit tunngavigalugit sammisap matuma ataani allannguutissatut siunnersuutit saqqummiunneqarput.

Akileraartarnermut Aqutsisoqarfiup akileraarutitut akitsuutinullu nutartikkamik missingiineranut atatillugu, ukiup annertuumik isertitatigut toqqammavinnik nikerarfiunissaa ilimanarsivoq. Immikkoortut ilaasa kinguariarfiusussatut takussutissaqarneranni, immikkoortuni aalajangersimasuni annikinnerusunik pitsaasunik takusassaqarpoq. Nikeriarnerit annertunerpaat marluk eqqussuinermit akitsuutit aalisarnermilu ingammik saarullinniarnermi akit pitsanngoriarneranneersuupput.

Eqqussuinermit akitsuutit isertitat missingersuutigineqartunit annikinnerujussuunerat, missingiinerup nutaap takutippaa. Tamanna ingammik imigassamik aalakoornartulimmik, tupanik, soda-vandinik qamutinillu motoorilinnik orsussamik imerpalasumik ingerlatilinnik eqqussuinerit annikinnerunerannik patsiseqarpoq. Ineriartorneq inuinnaat appasinnerusumik atuinerannik inoqutigiinnilu ileqqaakkat amerliartornerannik ataqatigiiffeqarpoq, tamannalu aningaasaqarnikkut mianersornermik tikkuussivoq.

Kinguarlaat tamanna 2026 ilanngullugu pissasoq ilimagineqarpoq, piffissamili 2027-2029 atuineq 2024-mi annertussutsimut anngukkiartussaaq.

Aalisarnermit isertitat, ingammik saarullinniarnermi, pitsanngoriartut naliliinerit nutartikkat takutippaat. Saarulliit akii qaffasinnerusut ingerlatseqatigiiffinit akileraarutitut toqqammavinnik kivitseqataavoq, ingammik ingerlatseqatigiiffinit Nuummit, Ilulissanit Qaqortumillu aallaaveqartunit, tassani takornariartitsinerup annertunerusup mittarfiillu nutaat aamma siunissami angusamik nukittorsaanissaanik ilimagisaqarfiusuni. Taamaalilluni aalisarnermi pitsaasumik ineriartornerup eqqussuinermit akitsuutit appariaatit ilaannakortumik illuatungilerpai, ukiunullu aggersunut ingerlatseqatigiiffiit akileraarutaannut missingiut aalajangiusimaneqarpoq.

Isertitassanut missingiutitut pitsanngortunut pingaarutilimmik avataasiorluni saarullinniarnermi ukiumi aningaasanut inatsiseqarfimmi kiisalu ukiuni missingersuusiorfinni tamani pitsaanerusemik isertitassatut missingiutit annertusisat missingersuutaareersulli patsisaapput. 2026-mi nunatta kangiani avataasiorluni saarullittassat 40.000 tonsinut kitaanilu 16.000 tonsinut aalajangersarneqarnissaat ilimagineqarpoq. Aalisarnermut isumaqatigiissutinit pisassanik tunniussereermermi kalaallit aalisariutaat kitaani kangianilu kiisalu Barentip imartaani 53.550 tonsinik pisassaqarnissaat ilimagineqarpoq. Isertitassatut missingiutini pisassat annertussusaat tamanna aamma ukiuni aggersuni atugassaassasoq ilimagineqarpoq, erseqqissuutitsinissarli pillugu pisassat ukiukkaartumik pisassatut aalajangersarneqartarnerat erseqqissaatigineqassaaq. Pisassat $\frac{3}{4}$ -lii pisarineqarnissaat ilimagineqarpoq, tamannali soorunami allanngorsinnaavoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 5-ip ataani allannguutissatut siunnersuutit nr. 128-mit 139-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqaatigiinneersut Siumumeersullu **inassutigaa**t.

3.1.3. Sammissaq 6: Teknikikkut allannguutit

Qulequttami tassani allannguutissatut siunnersuutit 7-it saqqummiunneqarput, taakku 140-mit 146-mut normoqarput. Allannguutissatut siunnersuutit taakku ukiumi aningaasanut inatsiseqarfiusumi 2026-mi ukiunilu missingersuusiorfiusuni IS-imut sunniuteqassanngillat.

Sammissami missingersuutitut ilassutini oqaasertanut suliarisanullu takussutissianut il.il. nutarteri-nerit pineqarput. Taakku saniatigut oqaasertani takussutissianilu suleriaatsikkut kukkussutit arlallit naqqinneqarput. Tassunga ilanngullugu Namminersorlutik Oqartussat naartunaveersaatinik atuisitsineq pillugu suliami aningaasartuutaannut atatillugu 0-kontomik pilersitsisoqarpoq. Oqaasertaliussassatut siunnersuutigineqartut ilanngullugit taanna taarsiivigineqarnissamik qinnuteqaatit suliarineqarnerannut aningaasanillu ajunngitsorsiassanik akiliinermut atatillugu aningaasartuutininik aningaasaliissutitigut matussusiissaaq. Tamanna 4,5 mio. kr.-nik aningaasartuuteqarnissamik missingiussaqaqaartup piviusorsiorunnaarneranik takutitsivoq, siusinnerusukkummi ilimagineqaqaartunik sulianik amerlanernik takkuttoqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 6-ip ataani allannguutissatut siunnersuutit nr. 140-mit 146-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqaatigiinneersut Siumumeersullu **inassutigaa**t.

3.1.4 Sammisag 7: Aningaasartuutaanerusut

Qulequttami tassani allannguutissatut siunnersuutininik 2-nik Naalakkersuisut saqqummiussippat, taakku 147-mit 148-mut normoqarput. Taakku IS-ip inerneranut ukiumi aningaasanut inatsiseqarfiusumi 2026-mi 43,8 mio. kr.-inik pitsanngoriaataassapput aammalu 2027-imi 0,7 mio. kr.-inik, 2028-mi 56,0 mio. kr.-inik kiisalu 2029-mi 56,3 mio. kr.-inik ajorseriaataassapput.

Aningaasartuutaanerusussat pillugit allannguutissatut siunnersuutininik marlunnik saqqummiussisoqarpoq:

Konto pingaarnermut 72.22.01 Umiarsualivinnik oqartussaaneq.

Aningaasaliissutit ukiut sisamat ingerlanerannik annikitsumik qaffanneqarput. Allannguut *SIKUKI Nuuk Harbour A/S* aamma Nuummi umiarsualiviliorneq pillugit Inatsisartut inatsisaata allanngortinneqarnera pillugu siunnersuutip UKA 2025-mi tunuartinneqarneranik patsiseqarpoq. Taamaallilluni tunngavissat siusinnerusukkut kontomi pingaarnermi ileqqaarutaasussanut tunngaviusut atorunnaarput.

Kontomut pingaarnermut 80.00.01 Nuussinermi sillimmatit

Aningaasaliissutit 2028-mi 2029-milu ukiuni tamani 55 mio. kr.-nik qaffanneqarput, taakku piffissami ataatsimut 110 mio. kr.-nik qaffaanermik naleqarput. Taamaaliornikkut aningaasanik naammattunik immikkoortitsisoqarsimannginneranik ajornartorsiutip ilaa iliuuseqarfigineqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 7-ip ataani allannguutissatut siunnersuutit nr. 147-mit 148-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaa**t.

3.1.5 Sammisag 8: Aningaasanut inatsimmut isumaqatigiissut

Qulequttami tassani allannguutissatut siunnersuutininik 6-inik Naalakkersuisut saqqummiussippat, taakku 149-mit 154-imut normoqarput. Taakku IS-ip inerneranut ukiumi aningaasanut inatsiseqarfiusumi 2026-mi 6,1 mio. kr.-inik, 2027-imi 1,1 mio. kr.-inik aammalu 2028-mi 0,6 mio. kr.-inik ajorseriaataassapput kiisalu 2029-mi 0,4 mio. kr.-inik pitsanngoriaataassapput.

Sammisag taanna ulloq 10. november 2025-mi aningaasanut inatsimmut isumaqatigiissut, ilanngussaq G-tut ilanngunneqartoq tunuliaqutaralugu allannguutissatut siunnersuutininik suliarineqartunik imaqarpoq. Sammisani allani allannguutissatut siunnersuutit ataasiakkaat aamma isumaqatigiissummut attuumassuteqarnerat maluginiaqquneqarpoq, tak. tamanna pillugu siusinnerusukkut taaneqartut.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 8-p ataani allannguutissatut siunnersuutit nr. 149-mit 154-imut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaa**t.

3.1.6. Sammissaq 9: Kommunitut ataatsimoortumik tapiissutit

Qulequttami tassani allannguutissatut siunnersuutit 2-nik Naalakkersuisut saqqummiussippot, taakku 155-imit 156-imut normoqarput. Taakku IS-ip inerneranut ukiumi aningaasanut inatsiseqarfiusumi 2026-mi 47,8 mio. kr.-inik ajorseriaataassapput aammalu ukiuni missingersuusiorfinni 2027-2029-mi IS-imut sunniuteqassanatik.

Sammissami uani aningaasaliissutini allannguutissatut siunnersuutit qanittumi kommuninik ataatsimoortumik nutaamik isumaqatigiissuteqarnissap malitsigisai saqqummiunneqarput. Isumaqatigiissummi ingammik kommuninut ataatsimoortumik tapiissutit akit aningaasarsiallu allanngorannut nalimmassarneqarnerat ilaassaaq, taamaattoq taamaallaat ukiumut aningaasanut inatsisiliorfiusumut. Tamatuma saniatigut kommunit 2026-mi tunngaviusumik paasissutissanut pilersaarummut tapiliutaat namminersorlutik oqartussanit akilerneqassaaq. Naggataatigut oqaasertaliussani siunnersuut suliffissarsiornerup nalaani ikiorsiissutit pisinnaanermik sukaterisoq saqqummiunneqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 9-p ataani allannguutissatut siunnersuutit nr. 155-imit 156-imut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaa**t.

3.2 Oqaasertaliussanut allannguutissatut siunnersuutit

Oqaasertaliussanut allannguutissatut siunnersuutit katillugit 10-nik Naalakkersuisut siunnersuteqarput, taakku 157-imit 166-imut normoqarput.

Erseqqinnerusumik paasisaqarfiginiarlugit atuarusukkaanni ilanngussaq F ataatsimiititaliamit innersuussutigineqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissatut siunnersuutit nr. 157-imit 166-imut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

4. Aningaasaqarnermut Akileraartarnermullu Ataatsimiititaliap inassuteqaatai

Sammissaq 4-p ataani allannguutissatut siunnersuutit nr. 113-imit 127-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Sammissaq 5-ip ataani allannguutissatut siunnersuutit nr. 128-mit 139-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Sammissaq 6-ip ataani allannguutissatut siunnersuutit nr. 140-mit 146-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Sammissaq 7-ip ataani allannguutissatut siunnersuutit nr. 147-mit 148-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Sammissaq 8-p ataani allannguutissatut siunnersuutit nr. 149-mit 154-imut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Sammissaq 9-p ataani allannguutissatut siunnersuutit nr. 155-imit 156-imut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Oqaasertaliussanut allannguutissatut siunnersuutit nr. 157-imit 166-imut **akuerineqassasut** ataatsimiititaliami amerlanerussuteqartut amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Allannguutissatut siunnersuutit aappasaaneerinninnermut pingajussaaneerinninnissamullu saq-qummiunneqartut Inatsisartunit taasissutigineqareerneranni inatsisissatut siunnersuut tamarmiusoq iluserilikkamisut iluseqartoq **akuerineqassasoq** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaaat**.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.

Erik Jensen
Siulittaasoq

Pele Broberg
Siulittaasup tullia

Mariane Paviasen Jensen

Margrethe Thaarup
Andersen

Jørgen Rosbach